

HLAHISA MAIKUTLO A HAO!

KOPPO YA DITSHWAELO TSA SETJHABA

Komiti e Ikgethileng ya tsa Kgwebisano le Indasteri, Ntshetsopele ya Ekonomi, Ntshetsopele ya Dikgwebo tse Nyane, Bohahlaudi, Kgiro le Mesebetsi e mema batho le ba amehang ho romela ditshwaelo tse ngotsweng mabapi le Dibili tse pedi: Bili ya Phetolo ya Tshireletso ya Dibapadi tsa Kalana [B 24D – 2016] le Bili ya Phetolo ya Ditokelo tsa Kgatiso [B 13D – 2017]

BIILI YA PHETOLO YA TSHIRELETSO YA DIBAPADI TSA KALANA [B 24D – 2016]

Bili ena e batla ho fetola Molao wa Tshireletso ya Dibapadi tsa Kalana, 1967, ele hore ho kenngwe, ho hlakolwe kapa ho nkelwe sebaka ditlhaloso tse itseng; ho lokisetsa ditokelo tsa moruo tsa dibapadi tsa kalana; ho atolosa ditokelo tsa boitshwaro ho dibapadi tsa kalana ditokisong/diphetolong tsa medumo le tse bonwang; ho lokisetsa ho fetiswa ha ditokelo moo sebakadi se dumelang ho lokiswa/fetolwa ha ho tshwantshisa; ho lokisetsa bakeng sa tshireletso ya ditokelo tsa bahlahisi ba direkoto tsa modumo; ho etsa batsi dithibelo tsa tshebediso ya ditshwantshiso; ho atolosa tshebetso ya dithibelo ho sebedisweng ha ditshwantshiso bakeng sa ho fetolwa ha tsa medumo le pono; ho lokisetsa bakeng sa diroyalhi kapa tefo e lekanang le eo hore e leshwe ha papadi/tshwantshiso e rekiswa kapa e hiriswa; ho lokisetsa bakeng sa ho rekotwa le ho tlalehwa ha diketso tse itseng le ho lokisetsa bakeng sa tlolo ya molao e tsamaelanang le tseo; ho atolosa tse beetsweng ka thoko ho dithibelo tsa ho lokiswa/fetolwa ha medumo le tse bonwang le direkoto tsa modumo le ho kenyeletsa tse ntshitsweng tse lokiseditsweng ho Molao wa Ditokelo tsa Kgatiso, wa 1978; ho lokisetsa hore Letona le behe dipehelo tsa kontraka tse tlamang le tse maemong esitana le ditataiso bakeng sa sebakadi sa kalana hore a fane ka tumello tlasa Molao ona; ho lokisetsa boitshwaro bo thibetsweng le tse sa kenyeletswang mabapi le mehato ya tshireletso ya theknoloji le tlhahisoleseding ya tsamaiso ka ho latelana; ho lokisetsa bakeng sa ditlolo tse ding tsa molao le dikotlo; ho nkela sebaka dipolelo tse itseng; ho lokisetsa dipehelo tsa nako ya phetoho; le ho lokisetsa ditaba tse tsamaelanang le tsona.

.

BILI YA PHETOLO YA DITOKELO TSA KGATISO [B 13D – 2017]

Bili ena e batla ho fetola Molao wa Ditokelo tsa Kgatiso, 1978, ele hore e hlalose mantswe a itseng le dipolelo tse itseng; ho dumella dithibelo tse ding le tse sa kenngwang mabapi le ho hlahiswa hape ha mosebetsi o nang le ditokelo tsa kgatiso; ho lokisetsa ho ajwa ha diroyalithi mosebetsing o nang le ditokelo tsa kgatiso; ho lokisetsa bakeng sa tefo ya diroyalithi mabapi le mosebetsi o ngolwang, wa mmimo, bonono le tsa kutlo le pono; ho lokisetsa ditokelo tsa ho rekisa hape diroyalithi; ho lokisetsa ho rekota le ho tlaleha diketso tse itseng; ho lokisetsa ho fuwa mangolo ha mekgatlo e bokellang; ho lokisetsa mokgwa wa ho rarolla diqabang; ho lokisetsa ho ba le phihlello ho mosebetsi o nang le ditokelo tsa kgatiso ha batho ba sa itekanelang; ho lokisetsa ho fuwa laesense ha mosebetsi oo monga ona a sa fumanweng; ho matlafatsa matla le mesebetsi ya Copyright Tribunal; ho lokisetsa bakeng sa thibelo ya boitshwaro ho ya ka mehato ya tshireletso ya theknoloji; ho lokisetsa boitshwaro bo thibetsweng ho ya ka tlhahisoleseding ya tsamaiso ya ditokelo tsa kgatiso; ho lokisetsa tshireletso ya ditokelo tsa dijithale; ho lokisetsa ditlolo tsa molao tse itseng tse ntjha; le ho lokisetsa ditaba tse amanang le tsona.

Dipotso, esitana le ditlhahiso tse ngotsweng, di ka ngollwa ho Komiti e Ikgethileng ho tsa Kgwebisano le Indasteri, Ntshetsopele ya Ekonomi, Ntshetsopele ya Dikgwebo tse Nyane, Bohahlaudi, Kgiro le Mesebetsi, tlhokomedisong ya Mfts Noziphiwo Dinizulu, imeilieng ya ***ndinizulu@parliament.gov.za*** kapa Mfts Mahdiah Koff ho ***mkoff@parliament.gov.za***. Ka hodima ditshwaelo tse ngotsweng, ka kopo bontsha ebang o ena le thahasello ya ho tla fana ka puo ka molomo ho Komiti.

Letsatsi la ho kwala bakeng sa ditlhahiso tse ngotsweng ke pele nako ya mosebetsi e fela ka Labohlano, la 27 Pherekong 2023.

Dikhopi tsa Dibili tsena di ka kotjwa ka mohala ho Mfts Noziphiwo Dinizulu ho selefouno: 083 709 8393 kapa Mfts Mahdiah Koff ho selefouno: 083 709 8527 kapa tsa fumanwa ka elektroniki websaeteng ya Palamente (www.parliament.gov.za).

E ntshitswe ke:

Mong Mandla Isaac Rayi, MP

**Modulasetulo wa Komiti e Ikgethileng ho tsa Kgwebisano le Indasteri,
Ntshetsopele ya Ikonomi, Ntshetsopele ya Dikgwebo tsa Nyane, Bohahlaudi, Kgiro
le Mesebetsi.**
